

Mema Ngateitei Vainetutai Rose Toki-Brown

KOVITI-19 Ture Tamanako Akatukeanga (Numero 2) 2020

Akapapaanga

1	Upoko	1
2	Akamataanga	1
3	Ture metua	1
4	Tuanga 4 kua akatuke ia (Akamataanga e te tuatau)	1
5	Tuanga 7 kua mono ia (Taii ki tetai au ture ke)	2
6	Tuanga 8 kua akatuke ia (Akaueanga a te Minita)	2
7	Tuanga 23 kua akatuke ia (Au ‘apa)	2
8	Tuanga 29 kua takore ia (Au Akaueanga no te Tero)	2
9	Tuanga 31 kua akatuke ia (Tuanga 9A te au akaueanga i raro ake i te Ture Nui Tomo, Noo e te Akaruke 1971-72)	2
10	Tuanga ou 32 e te 33 kua tauru ia	3

E Ture Nui ei akatuke i te Ture Nui KOVITI-19 mataiti 2020.

Te akamana nei te Paramani o te Kuki Airani i teia au akatakaanga i raro nei—

- 1 Upoko**
Ko teia Ture Nui koia oki ko te Ture Akatuke anga i te KOVITI-19 (Numero 2) 2020.
- 2 Akamataanga**
Ka taangaanga ia teia Ture Nui i te ra i muri ake i te ariki anga te Kauono o te Ariki Vaine i te reira.
- 3 Ture metua**
Te akatuke nei teia Ture nui i te Ture Nui KOVITI-19 2020 (te **ture metua**).
- 4 Tuanga 4 kua akatuke ia (Akamataanga e te tuatau)**
Mono anga i te tuanga (2) ki:
“(2) Ka takore ia teia Ture Nui i te openga o t era 31 o Tiurai 2021 mari ua—
“(a) ka takore vave iatu te reira na roto i te Akaueanga mei roto i te Konitara Akaaere; me kare
“(b) ka akaroa iatu te reira e te Paramani.”

5 Tuanga 7 kua mono ia (Taii ki tetai au ture ke)

Mono i te tuanga 7 ki te:

“7 Taii ki tetai au ture ke

“(1) Mei te mea tetai akataka anga o teia Ture Nui e taii atu ki tetai akataka anga o tetai ture ke atu kare i te Papa Ture Metua, ka vai rai te mana o teia Ture.

“(2) Mei te mea tetai akataka anga o tetai au ture iti i akamana ia i raro ake i teia Ture Nui e taii atu ki tetai akataka anga o tetai uatu ture ke kare i teia Ture Nui me kare te Papa Ture Metua ka vai mana rai te mana o te reira au ture iti.

“(3) Mei te mea tetai akataka anga o tetai akaueanga a te Minita e taii ki tetai akataka anga i roto i tetai uatu ture kare i teia Ture Nui, te Papa Ture Metua, me kare au ture iti i akamana ia i raro ake i teia Ture Nui, ka vai rai te mana o te Akaueanga a te Minita.

“(4) Ka piri atu teia tuanga nei ki te tuanga 26(2) e te 33(3)(a).”

6 Tuanga 8 kua akatuke ia (Akaueanga a te Minita)

I roto i te tuanga 8(1), te monoa nei te au parakava (g) e te (h) ki te:

“(g) arai me kare akakotinga i tetai uatu angaanga i akatakaia:

“(h) anoano anga i te au tangata kia akamamao mei tetai uatu au tangata i roto i tetai uatu ngai:

“(i) anoano anga i te au tangata kia rave i tetai angaanga i akataka ia me kore, auraka kia rave atu i tetai angaanga i akataka ia, me kore, kare e rave i tetai uatu au angaanga i akataka ia.”

7 Tuanga 23 kua akatuke ia (Au ‘apa)

I muri ake i te tuangaiti (3), kia tauru atu:

“(3A) Ka akaapa ia tetai tangata no tetai tumu anga tau, no tei kore i rave i te au akataka anga i roto i —

“(a) Te tureiti tei akamana ia i raro ake i teia Ture Nui; me kare

“(b) tetai uatu akanooanga i akaue ia e te Minita i raro ake i te au tureiti tei akamana ia i raro ake i teia Ture Nui.”

8 Tuanga 29 kua takore ia (Au Akaueanga no te Tero)

Tuanga 29 kua takore ia.

9 Tuanga 31 kua akatuke ia (Tuanga 9A te au akaueanga i raro ake i te Ture Nui Tomo, Noo e te Akaruke 1971-72)

I muri ake i te tuangaiti (1), tauru atu:

“(1A) Ei takore i te ekoko anga, noatu te akataka anga i roto i te tuanga 11 o te Ture Nui Tomo, Noo e te Akaruke 1971-72, ko tetai akaue anga i tuku ia i raro ake i te tuanga 9A o te reira Ture Nui kia tau ki te tuangaiti (1) o teia tuanga nei kia arai atu i te tomo anga mai me kare tuku i tetai akaueanga no te tomo mai o tetai au mataro me kare au pupu mataro mei runga i tetai pai kimi moni me kare pairere tei tomo mai me kare tae mai ki te Kuki Airani nei mei tetai au ngai i vao ake i te basileia.

“(1B) Tuangaiti (1A) no runga teia i te au akaueanga i taiku ia i roto i te reira tuangaiti—

“(a) me kua oronga ia te akaueanga i mua ake me kare i muri ake ka akamana ia ei teia tuanga nei; inara

- “(b) ko tetai uatu pai kimi moni, kia tau ki tetai o te au tureiti i akamana ia i raro ake i teia Ture Nui nei tei kore i aru i te akaueanga i tukuia me kare patoi i te rave i tei akaue ia.”

10 Tuanga ou 32 e te 33 kua tauru ia

I muri ake i te tuanga 31, tauru atu:

“32 KOVITI-19 te au tureiti no te paruru atu i te au taura arai moana

- “(1) Ka tuku mai te Kauono o te Ariki Vaine i tetai akaueanga na roto i te Konitara Akaaere no te akakoroanga o teia Ture Nui kia maani ia tetai au tureiti no teia au angaanga i raro nei:

“(a) akakotinga i te tu o te au pai (mei te au pai Kuki Airani e pera au pai mei vao mai) ka tomo mai ki roto i te Kuki Airani:

“(b) akaue i te au akanoonoo anga no te nooanga takake e pera nooanga paruruia no te au tangata ka tomo mai ki roto nei i te Kuki Airani na te moana mai:

“(c) kia akapapu i te kave me kare apai anga meitaki no te au mataro.

- “(2) Ko te Tureiti 33 ka piri te reira ki te au tureiti i maani ia i raro ake i teia tuanga.

“33 Tetai au tureiti no te au akatakaanga no te KOVITI-19 no te paruru i te taura arai moana

- “(1) Ko te au tureiti i akamana ia i raro ake i te tuanga 32 ka rauka te reira i te taangaanga atu no tetai me kare katoa anga o teia au akataka anga i raro nei :

“(a) oronga mai i te akamarama anga no te au tuatua: Pai Kuki Airani”, “pai porena mei vao mai”, “pai porena mei tetai basileia mai”, “tomo mai ki roto i te Kuki Airani”, “au akanoonoo anga no te nooanga paruru ia e te nooanga takake”, e te “mataro”, e tetai uatu akamarama anga ka o mai no te akakoro anga o te au tureiti:

“(b) akataka anga i te au pai me kare au akapapaanga pai te ka tau i te tomo mai ki roto nei i te Kuki Airani, me kare arai anga i te au pai katoatoa mei te tomo mai ki roto i te Kuki Airani:

“(c) akaue i te au akanoonoo anga no te nooanga paruru ia e te nooanga takake e tetai atu au turanga ka anoano ia me tomo mai tetai uatu pai me kare akapapaanga pai e to ratou au mataro katoa:

“(d) akataka anga i tetai au takore anga no te kore e aru i te au akanoonoo anga no te noo paruru me kare nooanga takake me kare tetai atu au turanga i akaue ia i roto i te au tureiti:

“(e) akaue i te au akakotinga anga e te au turanga no runga i te pirianga vaiata o te au pai, au mataro, e tetai atu au tangata e noo nei i te Kuki Airani nei ki te au pai, au mataro e tetai atu au tangata ka tomo ki roto nei i te Kuki Airani na runga i te au pai, me kore, arai i te au pirianga tangata:

“(f) akatika i te Minita kia oronga i te tikaanga (kia tau kit e au akanoonoo anga ta te Minita i manako e kua tau) ki tetai pai kia tomo mai ki roto i te Kuki Airani—

“(i) mei te mea e, e akakoroanga akaora tangata; me kare

“(ii) mei te mea e akakoroanga maata no te tiki kai, akaki penitini, kave apinga no te angaanga kimi puapinga, me

KOVITI-19 Ture Tamanako Akatukeanga (Numero 2) 2020

kare maani anga me kare angaanga aka'ou anga tei anoano ia te angaanga maata no te reira:

- “(g) akataka nei i te au takainga ta te Minita ka rave i mua ake ka oronga e ii te akatika anga i raro ake i te parakava (f).
- “(2) Anything in the regulations that prevents or restricts a vessel entering the Cook Islands does not apply Tetai uatu akataka anga i roto i te au tureiti te ka paruru me kare akakotinga i tetai uatu pai i te tomo mai ki te Kuki Airani kare e iri atu ki—
- “(a) tetai uatu pai tei rokoia e te manamanata; me kare
- “(b) tetai pai ka tomo mai ki te Kuki Airani no te akaora tangata; me kare
- “(c) tetai pai porenā mei vao mai e rave ra i te tereni anga, tei tau ki te Kororomotu a te Au Basileia o teianei ao no runga it e Ture o te Moana no te tikaanga—
- “(i) i te tere au atu na roto i te au tai moana; me kare
- “(ii) tapae atu na roto i te au ava no te akakoro anga tutaka moana.
- “(3) Kare e akataka anga i roto i te au tureiti i te akakotinga me kare arapaki i —
- “(a) tetai uatu akanoonooanga a te pae tomo, noo e te akaruke i te basileia i raro ake i tetai uatu ture; me kare
- “(b) paruru anga i tetai uatu pai porenā mei tetai Basileia mai me kare tona au mataro.”

Ka taangaanga ia teia Ture Nui e Te Marae Ora.

Tataia i raro ake it e mana o te Paramani o te Kuki Airani—2020.
